

STRANDA KOMMUNE

SAKSPAPIR

Saksbehandlar: Elisabeth Busengdal

Arkivsak: 24/1052

Styre, råd, utval:	Møte dato:	Saknr.:
KOMMUNEPLANUTVALET	21.11.2024	032/24

Offentleg ettersyn - Kommuneplan - Samfunnsdelen i Stranda kommune for planperioden 2025-2035

Kommunedirektøren si tilråding:

1. Revidert samfunnsdel for Stranda kommune vert sendt ut på høyring og blir lagt ut til offentlig ettersyn i tråd med plan- og bygningslova § 11 -14.
2. Høyringsfrist er sett til 6 veker frå utleggsdato.

21.11.2024 KOMMUNEPLANUTVALET

Møtebehandling

Vedtak samrøystes

KPU - 032/24 Vedtak

1. Revidert samfunnsdel for Stranda kommune vert sendt ut på høyring og blir lagt ut til offentlig ettersyn i tråd med plan- og bygningslova § 11 -14.
2. Høyringsfrist er sett til 6 veker frå utleggsdato.

SAKSUTGREIING

Bakgrunn for saka

Administrasjonen har utarbeida forslag til revidert samfunnsdel i kommuneplanen for planperioden 2025-2035. Utfrå plan- og bygningslova § 11-14 skal forslaget sendast ut på offentlig høyring og leggast ut til offentlig ettersyn. Forslaget skal kunngjerast i minst ei lokalavis og gjerast tilgjengeleg på internett.

Utkastet vert difor lagt fram for kommuneplanutvalet med ynskje om godkjenning til å starte høyringsprosessen.

Saksopplysningar

Oppstart av arbeidet med revidering av samfunnsdelen i kommuneplanen til Stranda kommune var vedteke i KPU. Kommuneplanutvalet la planprogrammet ut til offentlig ettersyn i sak 016/24 i møte 22.05.2024. Kommunedirektøren si tilråding var å sette i gang arbeidet med medverknadsprosessar og revidering av plandokument parallelt med offentlig ettersyn av planprogram.

Kommuneplanen sin samfunnsdel 2025-2035 tek stilling til langsiktige utfordringar, mål og strategiar for kommunesamfunnet som heilskap og kommunen som organisasjon. I plan- og bygningslova §11-1 står det at kommunen skal ha ein samla kommuneplan som omfattar samfunnsdel med handlingsdel og arealdel. Planarbeidet er forankra i vedteken samfunnsdel i Stranda kommune (2019), nasjonale- og regionale føringar og retningslinjer og sentrale lover og reglar, mellom anna plan- og bygningslova, kulturminnelova, kommunelova m.m. (Kommunal- og distriktsdepartementet, 2024).

Møre og Romsdal fylke er peika ut som berekraftsfylket og det er viktig at Stranda kommune er ein del av berekraftsløftet i fylket. Visjon, mål og strategiar er difor forankra i økonomiske, miljømessige og sosiale berekraftsmål, og dei perspektiva legg føringar for tiltak og løysingar som kan utvikle Stranda kommune for framtida. Ved å følgje opp dei nasjonale og regionale forventningane, vil samfunnsdelen i større grad kunne fungere som eit godt styringsverktøy for Stranda kommune i planperioden 2025-2035.

Gjennom arbeidet med revidering av samfunnsdelen har administrasjonen vektlagt viktige samfunnsutfordringar Stranda kommune står ovanfor i planperioden. I revideringa av samfunnsdelen har vi valt å basere planen i hovudsak på politisk-, administrasjon- og innbyggjarsperspektivet og innspela dei har vektlagt i medverknadsprosessane. Satsingsområda dei har vektlagt har styrt utarbeiding av planen, måla og strategiane.

Vi gjennomførte ein to-delt medverknadsprosess. Den første delen var fire medverknadsverkstadar der vi inviterte inn politikarar, administrativt tilsette og aktørar frå frivillig sektor og andre interesseorganisasjonar. Den andre delen av medverknadsprosessen var bruk av digitale medverknadsløysingar med nettskjema til innbyggjarar. Innsamla innspel har vi kategorisert, tematisert og vi har utforma satsingsområda i planen utifrå dei kategoriane.

I planperioden 2025-2035 har vi utifrå medverknadsprosessane valt ut ni satsingsområde:

Økonomisk berekraft:

- Næringsliv og sysselsetting- Eit sterkare samarbeid mellom kommune og næringsliv.
- Kraftforsyning og infrastruktur: Vi må utbetre infrastrukturen i heile kommunen for å kunne utvikle næringsliv og lokalsamfunn.
- Berekraftig utvikling av Stranda kommune som reiselivsdestinasjon.

Sosial berekraft:

- Kommunale tenester og organisasjonsstruktur- Stranda kommune skal vere ei samskapingskommune der vi finn løysingar saman.
- Attraktivitet og etablering- Stranda skal vere ei attraktiv kommune å busette seg med stort aktivitetsnivå.
- Born og unge- Stranda kommune skal gi born og unge ein god og trygg oppvekst.
- Integrering- Sikre at innvandrarar buset seg permanent og får tilknytning til staden.

Miljømessig berekraft:

- Natur, miljø og friluftsliv: Ein betre balanse mellom miljøomsyn og utvikling av lokalsamfunn.
- Sikkerheit og beredskap: Vi må vere førebudd på å møte klimaendringar.

Formannskapet har valt ut dei tre satsingsområda *Næringsliv og sysselsetting, Attraktivitet og etablering og sikkerheit og beredskap* som hovudmål for planperioden 2025- 2035. Måla er viktig å prioritere for å skape vekst og utvikling både i kommuneøkonomien og i lokalsamfunnet.

Vurdering

Samfunnsdelen for Stranda kommune vert sendt ut på høyring og blir lagt ut til offentleg ettersyn i tråd med plan- og bygningslova § 11 -14.

Vedlegg:

Dok.dato:
14.11.2024

Vedlegg:

17.10.2024. Samfunnsplan Stranda kommune
2025-2035

Dok.ID
402227